



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LXXXIX. Gregorii Papae I. Ad Tadinates. De episcopo eligendo.

urn:nbn:de:hbz:466:1-15221

EPISTOLA LXXXVIII.

GREGORII PAPÆ I.

AD GAVDIOSVM EPISCOPVM EVGVBINVM.

De visitatione Tadinatis ecclesiæ.

Gregorius Gaudioſo episcopo Eugubino.

COGNOSCENTES ecclesiam Tadinatem diu sacerdotis proprii regimine deſtitutam, fraternitatitua eiusdem ecclesiæ visitationis operam ſolenniter delegamus. Quam ita te conuenit exhibere, vt nihil de prouectionibus clericorum, reditu, ornatu, ministeriisque vel quidquid illud eſt in patrimonio eiusdem, a quoquam præſumatur ecclesiæ. Et ideo fraternitas tua ad prædictam ecclesiam ire properabit, & affiduis adhortationibus clerum plebemque eiusdem ecclesiæ admonere festinet, vt remoto studio, vno eodemque consensu talem ſibi præſciendum expetant facerdotem, qui & tanto ministerio dignus valeat reperiri, & a venerandis Canonibus nullatenus respuatur. Qui dum fuerit postulatus, cum ſolennitate decreti omnium subscriptionibus roborati, & dilectionis tuae testimonio literarum ad nos ſacrandus occurrat. Commonentes etiam fraternitatem tuam, vt nullum de altera eligi permittas ecclesia, niſi forte inter clericos ipſius ciuitatis, in qua visitationis impendis officium, nullus ad episcopatum dignus, quod euenire non credimus, potuerit inueniri: prouiferus ante omnia, ne ad hoc cuiuslibet conuerſationis seu meriti laicæ personæ aspirare præſumant, & tu periculum ordinationis tuae, quod abſit, incurras.

EPISTOLA LXXXIX.

GREGORII PAPÆ I.

AD TADINATES.

De episcopo eligendo.

Gregorius clero, ordini & plebi Tadinati.

COGNOSCENTES ecclesiam vestrā diu ſacerdotali regimine deſtitutam, curæ nobis fuit eiusdem ecclesiæ visitationem fratri & coepiscopo noſtro Gaudioſo Eu-

EPISTOLARVM LIBER VII. 703

gubinæ ecclesiæ solenniter delegare. Cui dedimus in mandatis, vt nihil de prouectionibus clericorū, redditu, ornatu, ministeriisque a quoquam usurpari patiatur. Cuius vos assiduis adhortationibus conuenit obedire, & remoto strepitū, vno eodemque consensu talem vobis præficiendum expetere sacerdotem, qui & a venerandis Canonibus nulla discrepet ratione, & tanto ministerio dignus valeat reperiri. Qui dum fuerit postulatus, cum solennitate decreti omnium subscriptionibus roborati, & visitatoris pagina prosequente, ad nos veniat ordinandus: prouisuri ante omnia, ne cuiuslibet vitæ vel meriti laicam personam præsumatis eligere. Et non solum ille ad episcopatus apicem nulla ratione prouehetur, verum etiam vos nullis intercessionibus veniam promererri posse cognoscite. Sed omnes quos ex vobis de laica persona aspirasse constiterit, ab officio & a communione alienos faciendos procul dubio noueritis.

EPISTOLA XC.

GREGORII PAPÆ I.

AD SEVERVM EPISCOPVM ANCONITANVM.

Visitationem iniungit Ausinæ ciuitatis.

Gregorius Seuero episcopo Anconitano.

POST QVAM ciuitas Ausina, Deo iuuante, recuperata est, atque a republica teneri dignoscitur, magna de ecclesia ipsa sollicitudo habenda est, maxime quia gloriōsus filius noster Bahan magister militum a nobis pro hac re auxilium sperasse dignoscitur: atque ideo ad fraternitatem tuam præsentia curauimus scripta dirigere, vt eidem ecclesiæ ex more visitator accedas. Quam ita te conuenit exhibere, vt nihil de prouectionibus clericorum, &c.
ut supra, epistola LXXXVIII.